



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Liberum & justum esse Deo, gratiam dare efficacem, cui vult.

urn:nbn:de:hbz:466:1-45701

696 Cap. LXIII. Cur alij bonū, alij malum vita finēs consequantur?
verba illa, *Iacob dilexi, Eſan autem odio habui*, speciali prædestina-
tioni & electioni accommodare libet, & interrogare, cur Petrus
electus sit ad gloriam, Iudas autē reprobatus sit ad gehennam, ita
licet accommodare: Ante præuisionem meritorum Petrum dile-
xi, id est, gratiam prædestinationis dedi; nimirum talem, cui
videbam eum cooperaturum, perseveraturum, adeoque saluan-
dum: Iudam verò odio habui, id est, gratiam non dedi talem,
sed aliam, cum qua præuidebam eum non perseveraturum, sed
casurum & damnandum; licet hoc non intenderem: quia serio
& sincerè dedi ei gratiam, sicut dedi Petro, intendens ut & ipse
cooperaretur, & perseveraret, quod ipse tam facile, ac Petrus
facere poterat, si voluisse; sed præsciebam ipsum hoc non fa-
cturum, idque ex mera sua libertate. Quippe hæc præscientia fu-
turæ vel non futuræ cooperationis & effectus, distinguit gratiam
prædestinationis, quæ datur electis, à gratia communi, quæ da-
tur reprobis. Cùm itaque ista gratia prædestinationis non detur
ex operibus, sed ex gratia, & liberali voluntate, proposito & in-
tentione Dei, cur data est Petro, & non Iuda? cur bono latroni,
& non alteri?

VII.

Respondet Apostolus: O alta profunditas, & profunda alti-
tudo dinitiarum! quasi dicat, O abyssalis & inscrutabilis miseri-
cordia, sapientia, & scientia Dei! Sunt enim incomprehensibilia
iudicia eius, & non vestigabiles via, seu consilia, modi, opera &
rationes prouidentiæ eius. *Quis enim nouit sensum*, mentem, co-
gitationem, consilia Domini? Hinc abyssus humanæ miseria in-
vocat abyssum diuinæ misericordiæ, & abyssus humanæ igno-
rantiæ inuocat abyssum diuinæ scientiæ, & sapientiæ, ut ait S.
Augustinus. Nemo enim est conscientius consiliorum & arcanorum
Dei. *Nemo prior dedit illi*, quare Deus nulli vlo jure aut titulo
obstringitur: quia nihil ab illo accepit, quod prius ipse illi non
dederit. Quare cùm nulli quidquam debeat, non est iniustus,
infidelis, aut ingratus, si vnum illuminet, & aliud in sua cæcta-
te relinquat. Cur igitur iste gratiam efficacem conuerzionis suæ
accipiat, ille non accipiat, cùm neuter mereatur accipere, alti-
tudo est consiliorum Dei, in quam ingredi non licet, vbi valet
illud: *Altiora te ne quaasieris*. Sufficit nobis scire, quod non sit
iniquus.

Ecli. 3. 22.

Cap. LXIII. Cur alij bonū, alij malum vita finem consequantur? 697

iniquitas apud Deum. Postquam enim Paulus non inuenit ullum
meritum, apud Iacob juniorē nondum natum, ob quod præ-
cessurus esset fratrem suum Esau, ut, antē quām nascerentur
ambo, diceretur: maior seruiet minori, subiungit: *Quid ergo di-* Rom. 9. 13.
cemus? numquid iniquitas apud Deum? Absit. Moysi enim dicit:
Miserebor, cuius misereor, & misericordiam praefabo, cuius misere- Exod. 33. 19.
bor. Igitur non volentis, neque currentis, sed miserentis est D E I.
Gratuitam igitur gratiam agnoscamus, & dicamus: *ipſi gloria*
in ſacule, Amen. Nam ſicut iram ostendit & notam facit potentiam
ſuam in vasa irae, (debitæ, ne sit iniquitas apud Deum) ita ostendit
dinitias gloria ſua in vasa misericordie, quæ preparavit in gloriam, &
quidem misericordiæ indebitæ, ſed gratuitæ, quæ item non eſt
iniquitas apud Deum. Cur enim non liceret supremæ Maiesta-
ti, de gratia misericordiæ ſua confeſſe cui vult, & quantum
vult? Semper justus eſt Deus, ſive poenam inferat digno, ſive
gratiam faciat indigno. Poteſt igitur gratiam vel ex misericor-
dia confeſſe, vel ex judicio negare. Gratiam ſi vult vni dare,
non alteri, illi non opus eſt alia ratione, qui alij rationem non eſt
rediturus. Nam quis voluntati eius reſiſtet? aut quis rationem
opponeſt? Non eſt illius voluntas ſine ratione, quia eſt illi pro ra-
tione voluntas; enimuerò ipſa eius voluntas ratio eſt. Cæſar,
aut Princeps hospiti torque aureum donauit, aulico ſuo non
donauit; neutri debuit. Alter gratias agit, quia donum acce-
pit; alter non murmurat, quia ſcī ſibi nihil debitum fuiffe: hinc
eum non accusat de iniquitate. Et Deum accusabimus, cuius
ſumma eſt potestas, quaſi ei non liceat, quod homini licet?
Principi nemo dicere audet: Cur iſti torque donasti, & non mi-
hi? & à Deo cauſam ſcire volumus, cur non eamdem nobis con-
ferat gratiam, quam alteri videmus eum contuliffe? Satis eſt
nobis, Principem ſic voluisse; & non ſatis eſt Deum ſic voluisse?
cuius voluntas omnis recti regula eſt; quique nulli judicio ſubja-
cet, cùm ſit penes illum ſummum ius; immo, ut Saluianus ait,
ſumma iuſtitia voluntas Dei eſt. Fateberuſ hoc ipſo, inquit Nieren- Ioan. Euseb.
bergius, quod Deu velit, rationabile eſſe: nec jam exquirendam ra Nieremb. in
tionem, ſed cauſam. Nam poeſt, quod cum ratione factum, nesciri
cum quā cauſā: Certè ex nobis nulla eſt cauſa gratia; liberalitas &
libertas

698 Cap. LXIII. Cur alij bonū, alij malum vita finem consequantur?
libertas Dei solum est causa, scilicet voluntas: voluit, satis est, ut disca-
mus humilitatem nostram, & reveremur maiestatem eius. Iam
& hac causa erit, si desideras aliquam libertatis & voluntatis eius.
Sunt præterea causa in alijs nostræ gratia, cùm viri Sancti, cùm San-
ctissima Sanctorum Virgo Salvatoris Mater pro nobis potius orarunt.
At ex nobis nulla causa, nulla ratio, nullum meritum, nulla occasio
antecepsit, quod allelaret gratiam primam: ad secundam potest esse, non
tamen sine gratia.

VIII. At si vis adhuc aliam rationem, quam voluntatem, ait Nieren-
bergius, id est, quam voluntatem, id est, quam istam rationem, certè
utique est, exercitium sui juris, ostensio dominatus sui ad humilitatem
nostram, ad timorem, ad reverentiam sua maiestatis, ad incremen-
tum gloria, ad gratificationem nostram. Pro! in quales effundetur
gratiarum actiones affectus is, qui se videt diuinis respectum oculis,
nullâ ex se præcedente causa, nullâ ratione, cur se magis, quam aliud
respectaret misericordia; immo cùm se videt minus meruisse? Vnde,
quaso, exclamaret Apostolus: O Altitudo diuinarum sapientia &
scientia Dei! si hoc non ita fieret? unde supremum Dei dominatum
mirarerur, si hoc non videret? Quare hoc ipsum quod miramur, non
inueniri rationem, cur unius potius, quam alterius misereatur Deus,
est maximaratio, ut scilicet miremur: hac sufficiens & justa, & debita
ratio, admiratio Dei. Nam quid in hoc miramur, nisi usum supremi
domini? Hoc quidem debebamus nosse, suspicere, venerari, timere,
mirari, ad stupere. Nam si misericordia Dei debuit aliquibus effectibus
clarere hominibus, si bonitas, si sapientia, si potentia; cur non & domi-
natio? Qui enim diuina dispositionis causas scire velit, & justissima
decentissimaq; omnia Dei opera fateri, & suspicere, causam omnium
diuinorum operum memoria commendet. Omnia propter semetipsum
operator est Dominus, neque decuit aliter operatum esse, nisi ad hono-
rem suum, ut gloria tanta maiestatis pateret creatio aut creandis mem-
bris: & quo pacto gloria Dei pateret, nisi perfectiones eius paterent? Hinc fit, cùm diuersa sint diuina perfectiones, diuersa quoq; esse DEI
opera; alia, ut misericordia monstraretur; alia, ut justitia; alia, ut sa-
pientia; alia, ut potentia; alia, ut dominatus & ius supremum. Hinc
respondebimus proposita questioni, ac panè omnibus, qua circa diui-
nam prouidentiam possunt inquire. Quid quaris, quid miraris, cur

Dens